





宋文歸目錄

卷三

韓琦論時事疏

韓琦賜夏國王詔

韓琦諫垣存藁序

韓琦新脩晉太尉稽公廢祠

韓琦定州閱古堂記

韓琦定州衆春園記

夏竦免奉使啟



宋祁請下罪已詔

宋祁治戒

王隨省分歲

尹洙兵制

后介慶曆聖德頌

后介論有民則有天下國家

后介根本論

后介明禁

后介責臣

劉敞論溫成立忌

劉敞分邪正跡

劉敞讓箴

劉敞畏言箴

劉敞諭客

劉敞西渠三名儒贊

蘇舜欽滄浪亭記

宋文歸目錄卷三終

宋文歸卷三

韓琦論時事疏

竟陵

鍾惺伯敬父選評

譚元春友夏父泰評

臣聞漢文帝製高惠承平之後。躬行節儉。國治民富。刑措不用。時賈誼上書言事。尚以為可慟哭太息。豈其過哉。蓋憂深思遠。圖長久之計。欲大漢之業垂千萬世。而無窮者也。今陛下紹三聖之休烈。仁德遠被。天下大定。民樂其生者。十餘載矣。而臣切覩時事。謂可晝夜泣血。非直慟哭太息者何哉。蓋以西北二虜禍釁已成。而上下泰然。

不知朝廷之危。宗社之未安也。臣今不暇廣有援引。請粗陳其大槩。切以契丹宅大漠。跨遼東。據全燕。數十郡之雄。東服高麗。西臣元昊。自五代迄今。垂百餘年。與中原抗衡。日益昌熾。至於典章文物。飲食服玩之盛。盡習漢風。故虜氣愈驕。自以為昔時元魏之不若也。非如漢之匈奴。唐之突厥。本以夷狄自處。與中國好尚之異也。近者復幸朝廷西方用兵。違約遣使。求割關南之地。以啓爭端。朝廷愛念生民。為之隱忍。歲益金幣之數。且固前盟。而尚邀獻餽之奸謀。招納亡命。雖外示臣節。而內恃兵力。至元昊則好亂逞志。西併甘源。諸蕃以拓境土。自度種落強盛。故借歸背恩。北連契丹。欲成羈峙之勢。非如經

遷昔年跳梁於銀夏之間耳。且元昊累歲盜邊。官軍屢衄。今乘定川
全勝之氣。而遣人納和。則知其計愈深。而其事可虞也。議者或謂昨
假契丹傳導之力。必事無不合。豈不思契丹既能使元昊罷兵。則必
能使元昊舉兵乎。況比來薛禮驕抗。殊未屈下。北虜之言。既已無驗。
亦恐有合從之策。夾困中原。朝廷若軫西民之勞。暫求休養。元元且
以金帛啗之。待以不臣之禮。臣恐契丹聞之。謂朝廷事力已屈。則又
遣使移書。過邀尊大之稱。或求朝廷不可蒙之事。隳其誓約。狀後驅
犬羊之衆。直趨大河。復使元昊舉兵。溪寇關輔。當是時。未審朝廷以
何術而禦之哉。若委西鄙於藩臣。專事北寇。陛下親御六師。臨澶淵。

以待之。即未知今之將卒事力與環衛統帥比真宗北征時何如哉。
如欲駐蹕北京以張軍勢。臣恐虜衆由德博渡河直趨京師。則朝廷
根本之地。宗廟宮寢府庫倉廩百官六軍室家所在。而一無城守之
備。陛下可以擁北京之衆却行而救之乎。臣所以謂可晝夜泣血者。
誠憂及於此。冀陛下下一寤而急為拯救也。朝孫若謂今之盟約尚可
固結。則前三十年之信誓朝廷何負。二虜而一旦違之哉。彼豺狼之
心。見利而動。又可推誠而待之乎。夫得以先見預為之防。則功逸而
事集。若變生倉卒。駭而圖之。雖使良平復生為陛下計。亦不能及矣。
臣是以夙夜思之。朝廷若不天。新紀律則必不能擊時弊而弭大患。

丘濬曰。指陳虜情。明若觀火。韓公將相之業。此其一班。

韓琦賜夏國主詔

昨以夏國累年以來數興兵甲侵犯疆陲驚擾人民誘迫熟戶去秋乃復直叩大順圍迫城寨焚燒村落抗敵官軍邊奏屢聞人情共憤群臣皆謂夏國已違誓詔請行拒絕先皇帝務存含恕且詰端由庶觀逆順之情以決衆多之論逮此遜章之稟命已悲仙馭之上賓朕纂極云初邑荒在念仰瞻先志俯諒乃誠既自省於前辜復顧堅於永好苟奏封所叙忠信無渝則恩禮所加歲時如舊安民保福不亦休哉

鍾惺曰當時出此不得已之苦衷也却寫得至誠仁厚若天地之

量久章華國安可少也

韓琦諫垣存藁序

夫善諫者無諷也無顯也主於理勝而已矣故主於諷者必優柔微婉廣引譬喻冀吾說之可行而不知事不明辯則忽而不聽也主於顯者必暴揚激訐恐以危亡謂吾言之能動而不知論或過當則怒而不信也夫欲說而必聽言而必信苟不以理勝之為主難矣哉琦景祐中任三司度支判官以族貧求外補得舒州將行而上以諫官缺擢授右司諫而留之竊惟言責之重非面折廷諍之難益知辭得宜為難夫得通明端樸高識博學之士則動必中理日益君聽而使愚不肖者冒而處之固不勝其任矣遂兩上章辭不報乃喟然自謂

曰○上○之○知○汝○任○汝○之○意○厚○矣○汝○之○所○言○當○顧○靜○酌○宜○主○於○理○勝○而○以○
至○誠○將○之○茲○所○以○報○陛○下○而○知○任○之○之○意○若○知○時○之○不○可○行○而○徒○為○
高○論○以○賣○直○取○名○汝○罪○不○容○誅○矣○在○職○越○三○載○凡○明○得○失○正○經○紀○辨○
忠○良○擊○權○倖○時○人○所○不○敢○言○必○昧○死○論○列○之○上○寬○而○可○其○奏○者○十○八○
九○卒○免○重○戮○進○登○掖○垣○寔○前○自○為○誠○之○力○也○其○所○存○藁○欲○歛○而○焚○之○
以○效○古○人○謹○密○之○義○朕○念○詩○書○所○載○從○諫○而○聖○君○之○德○也○褒○闕○而○補○
臣○之○忠○也○前○代○諫○諍○之○臣○嘉○言○謹○議○布○在○方○策○使○覽○之○者○知○人○主○從○
善○之○美○致○治○之○原○若○皆○削○而○燔○之○則○後○世○何○法○焉○於○是○存○而○錄○之○離○
為○上○中○下○三○卷○命○曰○諫○垣○存○藁○以○藏○於○家○竊○志○夫○上○之○聽○仁○大○殿○自○

三代漢唐以來。虛懷納諫。甚盛。德之主。皆所不及。復俾子孫傳而聞之。知直道之無咎。忠教之有迹。云。時慶曆二年三月十五日。秦亭西齋序。

鍾惺曰。顧髀酌室。主於理。勝深得諫臣之道。為臣而欲以言責臣。君不可不於此取法。

宋史

卷三

集賢堂

韓琦新修晉太尉嵇公廟記

夫以忠事君。人臣之常分也。狀遭大變。臨大節。或心無所主。為禍福所動。以苟一時之生。而貽萬世之戮者。多矣。若其鼎鑊在前。鋒刃加已。張捭狀知義之所在。今固當爾。輕其命。若鴻毛。狀卒死而不顧者。幾何人哉。惟晉侍中贈太尉忠穆嵇公。則其人也。方惠帝昏弱。諸王肆亂。各萌僭奪。以相屠害。故帝之北征也。公馳赴行在。力當國難。而成都王穎以兵犯乘輿。衛逆奔散。獨公端冕侍側。以身扞帝。至血濺御衣。而殞。嗚呼。公之知義明。今可謂處得其死。而不為難也。故其大忠偉節。赫狀與日月爭光。萃狀與山嶽爭高。天地知不可窮。而公之

名亦不可窮矣。宜乎百世之外。有國家者。欽遺風。想餘烈。置祠奉祀。永永而不絕也。相之湯陰。即公歿難之地。其廟在焉。前之為邑者。不知追顯忠義。為政所先。因循不葺。底於大壞。今令張君楙至。則首拜祠下。覩其墮敝之甚。驚而嘆曰。茲不職之大者也。亟舉公事迹。與夫朝廷崇祀之意。諭於邑民。民皆欣狀。願共力以完之。令乃寬與之約。聽自營辦。不數月而祠宇一新。於是民益知夫大賢之忠於國者。雖歿於不幸。後世必載祀典。嚴廟貌。奉事尊仰之如此。皆思勉而為善。自一邑而推一郡。一郡而推諸四方。則其為勸也。豈小補哉。廟宗具書來告。以余嘗兩守御邦。願志本末。意忠義之心。人皆有之。但勉

而不力。執之不固。遂不至於古人。余亦勉而執之者。效忠穰之風。尤寤寐以自激。文雖甚陋。惡敢谷而不書。時熙寧三年八月十五日具位韓某記并書。

鍾惺曰。韓公忠義人也。故寫稽公忠義。易於激烈動人。陳仁錫曰。大文字。不以曲折為工。

卷三

三

集賢堂

韓琦定州閱古堂記

慶曆八年夏五月天子以河朔地大英雄而節制不專非擇帥不可而并撫其民不可始詔魏瀛鎮定四路悉用儒帥兼本道安撫使而定以不肖辱其選既讓不獲命至則竭愚修職尚懼不能稱上所以付與之意退而思迹古名臣之執殫以自策厲且患其汨於多務而志之弗虔會郡圃有壞亭歲久不葺於是廣之為堂既成乃撫前代良守將之事寔可載諸圖而為人法者凡六十條繪於堂之左右壁而以閱古為堂名夫古猶今也古之人為屏翰授鈇鉞而能成異政立奇功而今或不能者何也蓋其待已也必賢而足其報祿也必利

而安持是以望政成而功立不其難哉如曰古人能之予反不能之
日夜以勉焉又安有不至者耶今予之所為也誠以已之道未克而
君之祿殊厚任重途遠惟仆陪之是虞故在燕處之間必將監古以
自勉其未至也則雖絲肴觴競筦吹四時之景交見於前予方仰而
愧俯而憂孰知夫樂之為樂哉其少進也則雖吏文之擾懷邊責之
在已予固得其道而處之至於幅巾坐嘯恬然終日予之所樂惡有
既乎若其賓客之於斯僚屬之於斯不離几席如閱舊史俾人人知
為治者莫先於教化用兵者莫貴於權謀而俱本之於仁義功名一
立不獨身享富貴而慶深家宗其餘風遺烈可以被於旂常傳於簡

策。邈於萬世而凜然如存。咸有聲慕之意。不以酣歌優笑之為樂。而
以是為樂。則予也。豈徒已之為益。是將有益於人。知我者。其以我為
喜。與塏。遂娛賞乎已乎。後來之賢。與我同志。必愛尚而增葺之。宜矣。
夫毀圯。圯場之患矣。謹記。

鍾惺曰。末一段即范文正先憂後樂之意。可見賢者志趣畧同。

韓琦定州衆春園記

韓曰視
小人私情
不見肺腑

天下郡縣無遠邇小大位署之外必有園池臺榭觀游之所。以通四
時之樂。前人勤而興之。後輒廢焉者。蓋私於其心。惟已之利者之所
為也。彼私而利者。不過曰。吾之所治。傳舍焉耳。滿歲則委之。而苟
前之所為。尚足以容吾寢食飲啖於其間可矣。何必勞而葺之以利
後人。而使好事者以為勤人而務不急。徒取戾焉。吾不為也。意彼專
一人之私。以自利。宜其所見者隘。而弗為也。公於其心。而達衆之情
者。則不狀夫官之修職。農之服田。工之治器。商之通貨。早暮汲汲以
憂其業。皆所以奉助公上而養其室家。當良辰嘉節。豈無一日之適。

鍾惺曰兵
車殘民如
此讀之慘
狀

以休其心乎。孔子曰：百日之蜡，一日之澤，子貢且猶不知，況私而自利者哉？中山之地，自唐天寶失御，盜據戎猾，兵革殘困，民不知為生之樂者，百有餘年。至我朝而後始見太平，亭障一清，生類蕃育，不有時序觀游之所，俾是四民間有一日之適，以樂太平之事，而知累聖仁育之深者，守臣之過也。非公於其心而達衆之情者，又安及此乎？郡城東北隅，渚水為塘，廣百餘畝，植柳數萬本，亭榭花卉之盛，冠於北垂。蓋今宣徽李公昭亮始興之後，寔廢焉。予之來，懼陷其心於不公也，復完而興之。凡棟宇樹藝，前所未備者，一從新意。固有漏缺，又治長堤，鑿門西南隅，以便游者。於是園池之勝，益倍曠昔，總而名之。

曰衆春園庶乎良辰佳節太守得與吏民同一日之適游覽其間以
通乎聖時無事之樂此其意也後之人視園之廢興其知為政者之
用心焉。

鍾惺曰直欲為天下造和平之福觀此誠君子之用心矣。

分所

卷三

集賢堂

夏竦免奉使啓

比膺使指。往奉歡盟。選授至艱。道途是近。况多脩幣。寔濟空拳。然念
願歲。先人沒於行陣。春初。母氏始棄孤遺。義不戴天。難下單于。久拜
氣。溪陟。屺忍聞禁休之音。車府露章。槐庭泣血。王姬築館。接仇之禮。
既嫌曾子回車。勝母之游。遂輟荷大宮之大庇。戴三事之昂高。退安
四壁之貧。如獲萬金之賜。其官力持名教。素獎孤寒。屬商利於摘山。
闕言心於奏記。何圖驛置。先墜書筠。俯哀陷義之心。不辱資忠之訓。
永惟佩服。何但銘藏。

孫鑛曰。詞義錚錚。有金石聲。

宋文歸

卷三

集賢堂

鍾惺曰看
得災祥其
活證識天
心

宋祁請下罪已詔并求直言

臣聞王者父事天明母事地察政令而祥至道失而咎臻自朕之應
也朕至亂之世不能絕祥其治之代不能無咎僻居以祥自泰故益
侈而趣亡賢主以外修德故愈畏而蒙祉則祥無必廢然無故凶視
銷伏之如何耳臣伏見頃歲以來災害數見依類託寓異占同符天
本示法而尊乃有彙離流薄之變地當安固而靜乃有都國震動之
占陛下奉承郊丘歲豐月潔當蒙介福翻至大異何哉得非事有召
姦法有階陷天於宋室諄諄存顧先幾豫慮以啟聖心欲陛下居易
圖難緣微警著奮揚劉德固執主威猷銷未萌以光丕業也臣伏讀

前史五行志以驗於今累威重譴不可不察。若乃羣星流散則民人
蕩析之象也。月行黃道地震州邑則邊戎窺間。臣下擅恣后妃將盛
年穀且饑之兆也。去年火焚興國寺浮屠延燭藝祖神殿已而盜壞
宗廟鉅器者再則神不昭格之意也。自昔災異之發遠者十數年近
者三四年隨方輒應類無虛已。陛下何不暫槩清慮推求其端。方今
典刑設張上下提綱而臣便論危事必難取信。伏陛下試一念假有
蕩析以何策固安假有饑空以何理振救脫致窺聞有任之將謂誰
儻令擅恣可防之奸有幾災異不驗國之福也。苟使遂貽則陛下禦
之之慮得不素具於穀中哉。伏請先言其要。臣聞君以操柄為重臣

以奉命為恭。柄捨之則重者反輕。命竊之則恭者更僭。伏惟陛下念
爵賞之典。刑罰之權。雖覽羣言。一決宸慮。無委成假借。以開貴近牽
制之私。書稱惟辟作福。惟辟作威。夫威福者。天子之所以同大寶。制
兆人之術。臣有作福作威。則害於國家。凶於國。古之王者。亦何能
使刑憲當罪。賞皆稱功。要之事出於主。則納忠者有歸。政出於臣。則
植私者必衆。傳曰。倒持太阿。言柄之不可失也。又曰。吐珠必含。言失
之不可收也。若夫後宮戚里。祈恩丐賞者。日月不乏。陛下且當斷而
不聽。以示至公。內省黃門給事左右。亦宜數加訓敕。使思不出位。此
皆助陽抑陰之術也。臣聞伯禹三王之長。逢辜引慝。宣王成周之良。

思患側身故能感徹神祇收還威怒回沴氣為太和化已哀為中興
陛下覽照今古至許至熟今變青日著中外暴聞而罪已之問不形
於詔書思患之謀不留於詢逮委遠天戒虛而未答踰時越月羣下
默朕同者但引編黃晨齋夕咀修不經之細祀塞可惧之大變人且
未信天胡可欺臣誠至愚竊恐銷伏之間未為得計也伏望陛下不
以災之未至遂為宴安不以歲之屢豐便忘荒饉普詔百執各貢所
懷庶幾天下條貫絜朕先見粗舉六事以裨萬一聯寓於左如有可
采讀續當條陳科別惟陛下裁赦其罪姑垂省閱臣無任竊狂待罪
之至

丘濟曰。論祥咎處。愷切之。至使朝廷日聞此言。何憂不治。

宋祁治戒

吾歿稱家之有亡以治喪。飲用濯浣之衣。鶴氅裘。紗帽。綫履。三月。棺。三月。葬。謹無為。派。倍。陰。陽。拘。忌。也。棺。用。雜。木。漆。其。四。會。三。塗。即。止。使。數。十。年。足。以。腊。吾。骸。朽。衣。巾。而。已。吾。之。煮。臠。萬。臠。皃。皃。有。識。者。還。於。造物。放。之。太。虛。可。腐。敗。者。合。於。黃。墟。下。付。無。窮。吾。尚。何。患。掘。冢。深。三。丈。小。為。冢。室。劣。取。容。棺。及。明。器。左。置。明。水。二。盞。酒。二。盞。右。置。米。麴。二。盞。朝。服。一。稱。私。服。一。稱。韠。履。自。副。左。刻。吾。誌。右。刻。吾。銘。即。掩。壙。惟。簡。儉。無。以。金。銅。雜。物。置。冢。中。吾。學。不。名。家。文。章。僅。及。中。人。不。受。垂。後。為。吏。在。良。二。千。石。下。猶。可。容。數。人。無。功。於。國。無。惠。於。人。不。可。以。請。謚。於。

鍾惺曰予
心自揣勝
他人稱誦
百倍

鍾惺曰數
語養天下
廉恥之心

有司不可受贈典。又不宜求巨公作誌及碑。冢上植五株栢。墳高三尺。石翁仲。它獸不得用。蓋自標置者。非千載永安計。爾毋作道佛二家齋醮。此吾生平所志。若等不可違命作之。違命作之。是死吾也。是以吾為遂無知也。墓之日。以繪布纏棺。四翼引。毋作方相。俑人陳列衣服。器用。累吾之儉。吾平生語言。無過人者。謹無妄編綴作集。使後世蚩詆吾也。吾侍上講。勸凡十七年。上頗記吾面目。姓名。狀身後不得丐恩澤。為無厭事。若等兄弟十四人。惟二孺兒未仕。此以諉。莒公。莒公在。若等為不孤矣。若等兄弟。雖有異母者。古人謂四海之內。皆為兄弟。况同父均氣乎。詩稱死喪之威。兄弟孔懷。不可不念也。兄弟

之不懷。求合它人。人渠肯信哉。縱陽合之。彼應笑且憎也。若等視吾
事。莒公云何。莒公友吾云何。可以為法矣。人不可以無學。至於奏議
牋記。隨宜為之。天分自有。所稟不可強也。要得數百卷書在胸中。則
不為人所輕。請矣。

茅坤曰。高識定力。事事俱堪作法。而文章澹逸古拙。絕似漢人。
譚元春曰。小宋風流豪華人也。乃能高達如此。可見聰明穎悟人。
醒悟寬易。

完父員

卷二

兵部

王隨省分箴

夕晦晝明。乾動坤靜。物稟乎性。人賦於命。貴賤賢愚。壽夭氣盛。諒夫
自狀。冥敷潛定。蕙生數寸。松高百尺。水潤火炎。輪曲轅直。或金或錫。
或玉或石。茶苦薺甘。烏黔鷺白。性不可易。休不可移。握苗則悴。續鳧
乃悲。巢者固穴。泳者寧馳。竹栢寒茂。桐柳秋氣。關里泣麟。傳巖肖象。
馮衍空歸。千秋驟相。健羨何用。止足可尚。處順安時。吉祿長亨。
鍾惺曰。讀一過。令人妄念自消。

尹洙兵制

今之戎狄。地兼燕涼。狀疆大之勢。未過乎前世。中國士卒。專力武事。非若古者。籍兵於民。農戰兼用者也。是中國兵勝於古。夷狄不勝於古也。古者中國。鞭笞四夷。而役屬者有之。給繒帛。以懷來者有之。與之戰。或勝。或負者有之。今厚賂以款其求。惟恐不及。或與之較。未嘗一勝焉。其故何哉。非夷狄之兵彊。非中國之兵弱。法制之失也。何謂法制之失。以吏事而制戎事也。為今而言。策之長。在戰與守。策之失。在禦與救。廢策之長。用策之失。所以亟敗也。假以虜事言之。若聞其將寇我境。我之大將。不計敵衆寡之勢。不論戰遠近之利。必分兵禦。

皇世貞曰
宋揚業之
亮正坐此
想見當時
兵制大約
如此故尹
深特論之

之禦之不勝制令者曰吾知出兵而已行者曰吾知奮命而已朝廷
必薄其責議者亦置其罪苟不禦之雖全其師朝廷誅其逗留議者
稱其畏懦此所以必禦之也若聞一城被圍不計受攻之急緩不論
城壘之堅脆必盡銳救之救之不勝制令者曰吾知救之而已行者
曰吾知死之而已朝廷必薄其責議者亦置其罪苟不救之雖城獲
全朝廷咎其不進議者言其坐觀此所以必救之也禦與救非將之
罪也以吏事制戎事法制之失也或曰禦亦戰也救亦戰也禦與救
皆為失策何謂戰為長策也夫禦與救非利戰不得已而戰也非我
利則敵之利也所謂戰者我利則戰不利則不戰先計而後戰者也

先計而後戰。鮮不勝矣。不幸而不勝者。將之罪也。狀則中國之為守。備久矣。何得謂守為長策而廢不用也。所謂守者。方面之守。非一堡一障之守也。非尺寸之地守也。今敵入吾地。不計衆寡利害而禦之。敵圍吾城。不計堅脆急緩而救之。禦之必敗。救之必敗。兵潰於外。民潰於內。失所以為守矣。守方面者。異於是。使城自守。毋望救兵之出。蓋兵不出則勢不分。勢不分則有以待之。夫待之者。不戰則敵疑。作戰則敵懼。必則敵北。能守所以辦戰。能戰所以濟守。明戰守之利而不得志於夷狄者。未之有也。

鍾惺曰。論庸將俗吏拘執壞事。曲盡其情。狀非將吏之罪。承平之

後不得不爾時為之也



